

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.6 Ng.7

Liggaeuq gvejmaux nienz ndwenseiq ngeihcib

Geizsoq: Gungh daih 3575 geiz

Siz Ginbingz Youq Mwh Hai Codanzvei Ciepswnj Caeuq Fatmaj Vwnzva Daegbied Gangj Daengz

Dawz Hwnj Diuz Rap Vwnzva Moq Haenqrengz Guhndei Vwnzmingz Ciuhneix Cunghvaz Minzcuz

习近平在文化传承发展座谈会上强调

担负起新的文化使命 努力建设中华民族现代文明

Sinhvazse Baekging 6 nyied 2 hauh dien
Cunghung Cunghyangh cungsiuhgi, Guekgya cuj-
siz, Cunghyangh Ginhveij cujsiz Siz Ginbingz 6
nyied 2 hauh youq Baekging camgya Aen Hoih
Codanzvei Ciepswnj Caeuq Fatmaj Vwnzva caemh-
caiq fatbiuj gangjah youqgaenj. De daegbied gangj
daengz, youz giz hwnjdin moq laebdaeb coi hawj
vwnzva mwnhoengh, hwnqguh aen guekgya vwnzva
ak, guhndei vwnzmingz ciuhneix Cunghvaz Minzcuz,
neix dwg diuz rap vwnzva moq seizdaih moq. Raeuz

yaek giendingh gag saenq vwnzva bonjfaenh, dawz
ndei diuz rap, buekrengz guhsaeh, guhdoiha
haenqrengz cauhyuh yiengh vwnzva moq aen seiz-
daih raeuz, guhndei vwnzmingz ciuhneix Cunghvaz
Minzcuz.

Vih hai ndei baez codanzvei neix, Siz Ginbingz
gonqlaeng cunzyawj camrox le Cunghgoz Gozgyah
Banjbnjgvanj caeuq Cunghgoz Lizzij Yenzgiuyen.

Cunghung Cunghyangh Cwngcigiz cangzveij,
Cunghyangh Suhgicu suhgi Cai Giz buenxriengz

cunzyawj caemhcaiq cujiz codanzvei.

Lij Suhleij, Dez Ningz, Cinz Yizginz, Cinz
Gangh, Gyangh Sinci daengj riengz camgya hozdung.
Doengh bouxcwngzyenz Cunghyangh Senhconz
Swhsiengj Vwnzva Gunghcoz Lingjauj Siujcuj,
doengh bouxdungzci dangrap mizgven bouhmonz
cunghyangh caeuq guekgya gihgvanh, doengh
bouxdungzci dangrap gak danhvei ndaw cunghyangh
senhconz vwnzva hidungj, doengh bouxdaibyauij
lauxcangh yozcej doxgven daengj camgya codanzvei.



Lozcwngz:

Hag Dinfwngz Mulaujcuzaed

Ceij Angq Gvaq "Roek It"

罗城:开展仫佬族剪纸庆“六一”

6 nyied 1 hauh, dwg ngoenz Ciet
Lwngyez "Roek It", Lozcwngz Mulauj-
cuzaed Swciyen Fulenz daengz ndaw yienh
Swbaj Cin Swhminz Cunh Swhminz
Siujyoz guh yienghsaeh hag dinfwngz
Mulaujcuzaed ceij, "caemh gvaq ciet
lwngyez, caemh ganq va doxgiet". Guh
yienghsaeh neix hawj siujhagseng
caeuq gyoengq gyahcangj riengz
cangh ciepswnj hag dinfwngz Mulauj-
cuzaed ceij, guh neix hawj vwnzlai
laemxsim seizes nyinhdoengz Cungh-
vaz Minzcuz ranz vnz ndeu. Ndaw doz
dwg gizdieg gyoengqde guh yienghsaeh
neix.

(Loz Genmei/骆健媚)

Gih Raeuz Miz 2 Fanh Lai Aen Mbanj "Mbanjmbanj Vaiqsoengq Daengz"

我区2万多自然村实现“村村通快递”

Daj bineix doxdaeuj, gih raeuz
gunghsiuhse daengx hidungj okrengz
doinyoengx vuzliuz lajmbanj hwnqfat
youh swnh youh ndei. Suenq daengz
dangqna, daengx gih hwnqguh 56 aen
cunghsinh vuzliuz boiqsoengq yienh
gaep, 661 aen camhgyang geiqsoengq
vuzliuz yanghcin, 7843 aen camh-
fugsah cunghab geiqsoengq vuzliuz
cunh gaep; yinxhaeuj 72 aen cungh-
yangh giyez caeuq minzyingz giyez
daeuz hangznieb, gungganq 183 aen

giyez daeuz vuzliuz lajmbanj, cuengq
11.79 ik maenz daigvanj vuzliuz laj-
mbanj, ciuyinx vnz roengz 97.11 ik
maenz.

Hwnqguh aen dijhi vuzliuz
geiqsoengq lajmbanj baenzsaeh
ngoenz beij ngoenz lai. Dangqna,
daengx gih 22188 aen mbanj
"mbanjmbanj vaiqsoengq daengz",
7294 aen hingzcwngcunh "vaiq-
soengq ngoenzngoenz soengq".

Aen dijhi densangh lajmbanj

hwnqfat vaiqviet. Guh baenz le aen
cunghsinh baijgai doxgaiq nungzyez
mizmingz maenhndei caeuq aen
cunghsinh densangh yinyingz duh
Gvangsiah gunghsiuhse, caemhseiz
yaek youq gwnz vangj hai aen
bingzdaiz fugsah liuzdoeng doxgaiq
nungzyez Gvangsiah gunghsiuhse.
Suenq daengz dangqna, daengx gih
lajmbanj youq gwnz vangj gai doxgaiq
lingz gungh ndaej 48.79 ik maenz, gij
soq densangh canjyey yenzgih gaicawx

gungh miz 12.35 ik maenz. Hwnq-
guh gij hanghmoeg vuzliuz lajmbanj
baenzsaeh lailai. Bi 2022 daengx gih
bauqsoengq 52 aen hanghmoeg
vuzliuz lajmbanj, gungh roengz 97.72
ik maenz. Bineix daengx gih ndaej
cinjguh 39 aen hanghmoeg cienhangh
hwnqfat canjnieb guhhoengh lajmbanj,
gungh roengz 74.96 ik maenz, mbaek
daih' it nda 1.74 ik maenz cienz-
ngaenz bangbouj.

(Vangz Yenginz Vangz Gengen)